

5

OFERN NÉVE

ANN

OTROU NY

War dòn : Salud d'oc'h iliz ma farouz.

DISKAN.

Pel zo, Sant Jili, c'hui a oé
Eur berlezen gaër é Kerne,
Kaëret n'euz c'hoaz ho kurunen
Gand eur boket a Gerojen.

Koz ha iaouang, a zo aman,
Aotré genac'h e c'houlennan
Da ganâ eur werz zo savet
D'eur mignon néve béleget;

Enn énor d'ann ôtrou ann Ny,
A Gerojen é Sant-Jili,
N'euz kanet he ofern gentâ,
Meurbet c'hoantêt er barous-mâ.

Dom Gwillaou, petra ganin-me?
Petra a ganin-me d'id-de?
Ha me rafé ar veulodi
Euz da dad-koz ha tud hé di?

Nann, nann, nann, naun, ma mignon ker,
N'en deuz ket ezomm d'hen ober!
Eur ger euz ar garg ec'h euz bet,
Pa-z-oud belek vel da éontret:

Bezâ a zo war ann douar
Eunn den ha n'en deuz ket hé bâr,
Aboé é pignet enn envou
Jézuz hor Zalver, hon Otrou.

Hanoiou kaër a roer d'ez-han,
Bélek lérer aliesan
Sklérijen ar bed, den Doue,
El soken hel lérer ive.

Setu a-ze, hag a dra sur,
Komzou tennet euz ar Skritur;
Rei a reont dimp oll da welet
Euz ar béleg ann uc'heldet.

Dré eur gomz Moïz a ranné
Dour ar mor ruz, eunn dé a oé,
A ré trémen war eunn hent zec'h
Eur bobl a bez drant ha dinec'h.

Jozué d'ann héol a lévére
Chomet n'ho sav! hag e chomé!
Rouaned vraz er bed a zo,
Kréna rer arog ho hano.

Galloud ann dud-ze n'eo nétra
Kenver galloud ann disterâ,
Ann divezâ euz ar velien
Euz ann ôter enn oféren.

Pez ne ra ket ar rouaned,
Mari, ar zent nag ann éled,
Ar bélek dré eur gomz hep-ken
Euz ann env Jézuz a zisken.

Bemde, bépret koulz eo laret,
Kozler Doué zo distanet
Dré bédennou hé véleien
E sakrifiz ann oféren.

N'em ginnig réont war ann ôter
Spéret ha kalon d'ho Zalver;
Goude kinnigont da Zoue
Oll ezomou hé vugale.

Hol lémet deuz dré 'r vadiant
Euz a skilfou ann èrouant
Hor c'havel ho deuz binniget
Hor bugaléach kélenet.

Mar deuomp da gouézel goude,
Piou hon savo euz al lamm ze?
Ne d'eo ket barnerien ar bed,
Ar béleg eo, her goùd a ret.

Etré daou zen, dé ho eured,
A lak eul liamm ne dorer ket,
Chaden aour ar briedelez,
A ra bévâ gant santelez.

Ped gwech n'em euz ket hân gwélet
Dré ann nouen o rei iéc'het
Da gorf, da ine war ann dro
Eur c'hlanvour oa hanter varo.

Er c'hériou brâz, 'vel war ar mêz,
Piou a zo tad ar beorien gez?
Ar béleg eo ann tad téner
Evid ar paour, 'vid ar c'hlasker.

E kichen gwéle eunn den klan,
Er prisonniou ann tévalan,
Piou a zizamm hag a ra vad?
Ar bélek mui 'vit mamm na tad.

Bezâ bélek zo énoruz,
Hogen ar garg a zo poaniuz,
Kouskoude gant sikour Doue
Teuer da garout ar boan ze.

Vid'-out, ma mignon, a vo skân,
Ar skanvâ a zo er bed mân
Rag n'ec'h euz ket hi c'héméret
Hep bout bet gand Doue galvet.

I : M : Ar MERSER,

Kure é Gwengamp.

